

## **MALIEGA MA AGATAPUIA**

### **FESOASOANI MO TAGATA TALAVOU A VITORIA INA IA MAUA LE AUAUNAGA FAASOIFUA MALOLOINA**

Ole fa'amautinoaina e le malo o Vitoria o lo'o mauaina e tagata talavou le lagolago, fautuaga ma togafitiga fa'alesoifua maloloina mo'omia ina ia ausia le mea e gata ai lo latou mafai.

Ole \$43.8 miliona mo Fomai i Aoga Mauaululuga ole fa'ataunuaina ole fuafuaga sa tautino ai le malo i le taimi ole palota ole a totogiina fomai lautele e auai atu i aoga e 100 i Vitoria e tu'uina atu auaunaga fa'asoifua maloloina mo fanau aoga o lo'o mo'omia tele le fesoasoani. O lenei fuafuaga ole a faapea ona tu'uina atu ai foi ma ni potu fa'anei ona po, talafeagai mo le faamoemoe pe'a mo'omia.

O lenei polosiua ole a tu'uina atu ai ni tali mo fesili masani e fa'ataua ile mauaina o lenei polokalame.

### **OLE A LE TULAFONO O LO'O IAI ILE TAIMI NEI E FA'ATATAU I MALIEGA?**

O lo'o manino le tulafono a Vitoria i maliega mo togafitiga mai se fomai lautele:

- O tagata talavou ua fa'amatuaaina o latou mafaufau e mafai ona aumai la latou maliega io latou togafitiga.
- O tagata talavou e lei fa'amatuaaina o latou mafaufau ele mafai ona tu'uina mai sa latou maliega mo o latou togafitiga.

E pei ole fa'atinoga ole auaunaga a le fomai lautele i totonu o nu'u o fomai foi ole a auai ile polokalame Fomai mo Aoga Mauaululuga ole a latou iloiloaina le tagata talavou pe ose tamaititi ua fa'amatuaaina lona mafaufau e tusa ai ma le mataupu o lo'o saili togafiti ai.

### **OLE A LE TAMAITITI UA FA'AMATUAINA LONA MAFAUFAU?**

O tamaiti ua taua ua fa'amatua o latou mafaufau o tagata talavou ia ei lalo ifo ole 18 tausaga e faapea ua mafai lava ona saili ma mauaina se tausiga fa'asoifua maloloina mo le tulaga faapitoa ua iai. Mo le tu'uina mai ose maliega ua maea ona tapena lelei, e tatau ile tagata talavou ona malamalama ile ituaiga togafitiga ole a aofia, le mafuaga ua fai ai, aisea e mo'omia ai, fa'atatau mo lona tagata toatasi. E tatau foi ona talisapaia e le tagata talavou tulaga lamatia e fesootai ma le togafitiga ma ia nofouta e iai isi

auala o lo'o avanoa e le gata i lea o taunuuga e o'o iai pe afai ele tuliloaina se togafiti.

### **E FA'APEFEA ONA ILOILO ELE FOMAI TUMAU LE TAGATA TALAVOU PE OSE TAMAITITI UA FA'AMATUAINA LONA MAFAUFAU?**

A filifili le fomai lautele e tu'uina atu se togafitiga ise tagata talavou ole ia iloiloaina tulaga nei:

- Tausaga
- Ta'u matuaina i isi vaega ole olaga
- Ola saoloto – pe nofo ile aiga fa'atasi ma matua po'o se o lo'o tausia ia po'o lagolago lava e ia ia.
- Tulaga ogaoga ole togafitiga
- Le malamalamaaga ole tagata talavou ile mafuaaga e ala ai ona mo'omia le togafitiga, oa mea e aafia ai, auala eseese e fa'atino ai togafitiga, ma mea e ono faaletonu (pei o aafiaga e mafua mai i vailaau po'o isi fa'afitauli) ma taunuuga pea leai se togafitiga e fa'atinoaina.

### **FAAPEFEA PE AFAI O LA'U TAMAITITI E LEI FA'AMATUAINA LONA MAFAUFAU?**

I le tulaga ole polokalme o Fomai mo Aoga Mauaululuga so'o se tagata talavou lava e manao e faatonu se avanoa e feiloai ai ile fomai lautele e mafai ona fai. Ole a filifili ele fomai lautele pe ose tagata talavou ua fa'amatuaaina lona mafaufau le tamaititi e tusa ai ma le mataupu ua saili togafiti ai. Ole iloiloaga pe ose tagata talavou pe ose tamaititi ua fa'amatuaaina lona mafaufau e ono iai ni fetu'unaiga ona oni tulaga eseese. Mo se fa'ataitaiga, e ono filifili le fomai lautele e mafai e se tagata talavou ona aumai lana maliega mo le togafitiga ole sela, ae atonu e lei matua lelei lona mafaufau e talanoaina ai lamatiaga ma fa'amanuiaga o fuala'au e fa'aaoga mo a'afiaga ole mafaufau.

Afai ua filifili le fomai lautele o lou alo e le ose tamaititi ua fa'amatuaaina lona mafaufau ole a ia tapaina lau maliega a'o lei tu'uina atu le togafitiga.

### **E MAFAI ONA MA O ATU MA LA'U TAMA E VAAI LE FOMAI?**

loe, e uunaia matua po'o le foi o lo'o vaaia le tamaititi. E aloaia e le polokalame matua ma e o lo'o vaaia tamaiti ona o puna o faamatalaga ma lagolago taua mo fanau i

taumafaiga mo le faafoeina o mataupu ua mafua ai ona vaai le fomai lautele.

**E FAAPEFEA PE AFAI OUTE LE MANAO E ALU LA'U TAMA E VAAI SE FOMAI LAUTELE?**

E uunaia oe e fa'atalatanoa lenei mataupu faatasi ma lou alo faapea le aoga. O tamaiti aoga mauualuluga uma ua iai le manatu ua fa'amatuaina o latou mafaufau e filifili ai e vaai le fomai lautele ma ole fomai lautele o le a ia iloiloina le tamaititi aoga pe ua matua lona mafaufau mo le sailiina ose togafiti mo le tulaga ua a'afia ai nei. O le fa'avae lava lea e tasi e fa'aaoga pe ana o vaai e lou alo so'o se fomai i faiga masani mo le lautele.

**E ONO AOFIA AI MA A'U ELE FOMAI LAUTELE?**

E ono iai ni tulaga e mo'omia le aofia ai ma oe. Afai o lou alo ele ose tamaititi ua fa'amatuaina lona mafaufau ole a tapa ele fomai lautele se tasi o matua, tagata o lo'o tausia le tamaititi po'o se isi foi tagata matua fa'amoemoeina.

Afai ua iloiloina ele fomai lautele lou alo ma fa'ailoa mai o ia ose tamaititi ua fa'amatuaina lona mafaufau, e ono feiloai na o le fomai lautele ma lou alo mo le togafitiga o lana mataupu, ae tele lava ina uunaia lou alo ina ia aofia ai ma oe i lona tausiga. O lenei ala e fesoasoani e fa'atupu ai lona talitonuga ma fa'alauaitale ona tiute tauave i lona tuputpu ane ma avea ose tagata talavou, ae fa'apaleni foi ma le manaoga ole amanaia ole aia tatau a lou alo mo agatapuia fa'ale soifua maloloina, fa'atasi ai ma le aofia ai o oe i le tausiga ole soifua maloloina o lou alo.

**OA TULAGA E ONO MAFAI AI ONA OU ILOA LE ASIASI ATU A LA'U TAMA ILE FOMAI LAUTELE?**

Pe afai ua fa'ailoa mai e le fomai lautele o lou alo o se tamaititi ua matua lona mafaufau mo le togafitiga ua ia sailia, ma o famatalaga e fa'ataata i lona soifua maloloina e tatau ona fa'alilililo ma e le mafai ona fa'alauiloaina sei vagana ua tu'uina mai lana maliega pe ua fa'atagaina foi i lalo ole tulafono.

O fa'ataitaiga nei o ni tulaga e fa'atagaina ai i lalo ole tulafono le fa'ailoaina atu o fa'amatalaga tau ile soifua maloloina:

- Ua malie lou alo e fa'ailoa fa'amatalaga.
- O le fa'ailoaina atu o fa'amatalaga ua alaga tatau mo le taofia mai ose fa'amatauga tuga ile soifua maloloina o tagata lautele, saogalemu po'o le soifua manuia-

fa'ataitaiga: ole tagata talavou ua a'afia ise mai e tatau ona logoina ile Matagaluega ole Falemai ma Auaunaga mo Tagata Lautele.

*Faataitaiga:*

- Ua iai le tagata talavou ise tulaga e ono lamatia ai lona soifua ia te ia lava.
- Ua iai le tagata talavou ise tulaga e ono lamatia le soifua o isi ona o ia.

E tusa ai ma noataga mo le fa'alililo o fa'amatalaga, ole a le fa'ailoaina e le aufaigaluega a le aoga le taimi e vaai ai e lou alo le fomai lautele sei vagana ua iai lana maliega, po'o se isi lava mafuaga fa'aletulafono ua fa'ailoa atu ai nei fa'amatalaga.

**O AFEA E MAFAI ONA MAUA E LA'U TAMAITITI LANA IA LAVA PEPA MALO MAI LE MEDICARE?**

E mafai e tagata talavou ona apalai mo a latou lava pepa mo le Medicare pe a aulia le 15 tausaga. E manomia le faatumu o le tusi talosaga ma tu'uina mai se pepa o faamaoniga, e pei ole pepa e fa'ailoa mai ai o ia ole tamaititi aoga po'o le pepa fanau, ma fa'amatalaga ole pepa ole a fa'aliliuese mai ai.

**O FEA OLE A TEUINA AI FA'AMAUMAUGA TAU ILE SOIFUA MALOLOINA O LA'U TAMAITITI?**

O fa'amaumauga ole a avea pea lea ma meatotino a le falemai autu o lo'o galue ai le fomai lautele.

**E MAFAI ELE FOMAI LAUTELE ONA FAASINO ATU LA'U TAMAITITI I SE ISI AUAUNAGA FA'ALESOIFUA MALOLOINA PEA MO'OMIAINA?**

Ioe o lo'o iai le fuafuaga o le faasino atu isi auaunaga talafeagai ole a avea ma se vaega taua o lenei polokalame. Ole taitai ole polokalame ile aoga ma le tausii soifua ole a galulue ma le fomai lautele ma lou alo ina ia lagolago iai pea mo'omia ona faasino atu ise isi auaunaga. I nisi o mataupu ole a faapea ona logoina ma aofia ai oe pea fa'atino lea tulaga.

**FA'APEFEA PE AFAI E IAI LAVA LE FOMAI LAUTELE A LA'U TAMAITITI?**

Afai e iai lava se fomai lautele a lou alo ae ua manao e vaai le fomai lautele o lo'o i lana aoga e mafai ona ona tu'uina atu iai fa'amaumauga ole soifua maloloina a lou alo. E fa'ailoa atu ai tulaga o lo'o fa'apea ona fa'atinoina ile lautele. E taua ma o lo'o uunaia ina ia fa'aaauu le tausiga

ma fa'alauiloa i so'o se auaunaga fa'ale sofiua maloloina o lo'o fa'aaogaina e le tagata talavou

Afai o lou alo ose tamaititi ua fa'amatua lona mafaufau e mafai ona aumai lana maliega mo le tu'uina atu o ana fa'amaumauga tau ile soifua maloloina.

Afai o lou ose tamaititi e lei matua lona mafaufau e mafai ona aumai lau maliega e tu'uina atu ai fa'amaumauga tau ile soifua maloloina a lou alo.

#### **OA AUAUNAGA OLE A TU'UINA ATU ELE FOMAI LAUTELE?**

O fomai lautele ole a auai ile polokalame mo Fomai i Aoga Mauaululuga ole a tu'uina atu i tagata talavou le auaunaga e tutusa ma le auaunaga o lo'o auina atu e fomai lautele o lo'o galulue i nu'u, e aofia ai le fa'afoeina o mataupu tau ile tino, mafaufau, feusuaiga ma le soifua fanautama.

Mo nisi fa'amatalaga faamolemole asiasi ane ile:

<http://www.education.vic.gov.au/about/programs/health/pages/doctors-secondary-schools.aspx>

Pe imei mai ile Fomai mo Aoga Tulaga Lua ile:

[doctors.in.schools@edumail.vic.gov.au](mailto:doctors.in.schools@edumail.vic.gov.au) mo so'o se fesili